

儼肅禮容光昭祀典哉侯乃咨謀于僚屬曰
明詔所當寅奉民力不可妨奪工匠不可徒役公帑
不敢擅發也當首出俸稍以為倡率少尹八思麻因
判寮高興仁推官馮瑀相與贊襄下逮屬吏醫師筮
仕從風皆靡聿來胥宇於是相治城北郭汲署故址
爽朗方桁奠啟神居經始於是歲冬孟斷手於明年
季夏為禮殿三巨筵松楠旅楹奕奕挺鳥望雲就日
儼若帝者之所其臺門洎醫學講堂齋室以次修舉
其秋因常禮禮奉安神棲儀物肅備薦獻通暢士民
來觀歡忻贊嘆謀斲石紀蹟傳示方來持學正初伯
易事狀以修建碑銘為請不肯念鄉榆盛事其敢以
衰耄 辭夫德高太上者宜垂不朽之名澤及萬世

者當享天下之祀鴻荒肇判為生民害者多矣三聖
繼作觀象化民創物垂範如畫八卦以通天地之情
造書契以代結繩之政耒耜以資耕耨舟楫以濟不
通衣裳宮室既厚其生棺槨歛葬復卹其死交貨賄
而易有無剗弧矢以威強暴然後民得安居以粒食
優游以卒歲孔子繫易叙太皞神農軒轅氏功德如
此其見于醫家說者謂神農氏一日嚼嚙物毒七十
餘種軒岐論難本乎大道而究乎死生之奧故近代
猥為主祀若以三

聖人開天建極利生民而仁後世者論之特一事爾
在沂流求源雖出於人心之至情而報本反始乃有
國之令典按歷代祀秩曰皇曰帝惟唐嘗置廟京師

餘雖多 定於故都三年一祭而已我
國家掃欒槍以清華夏斷鰲足以立四極還淳返樸
崇德尚功三年故都之祀亦嘗舉行迨
聖天子當宁道媿生成仁含動植祗嚴密祠克作
神主開建醫學德洽好生故有司推廣
睿意俾同通祀致祠廟徧于天下其敬恭之典越至
矣乎伊守土臣奉承唯謹規為有方不傷財不役民
未及閱歲而起百年偉觀事神治人可謂能也已
宜銘銘曰

林林總總 厥初民生 理具畫一
七鑿方萌 乾端坤倪 軒豁露呈
孰措其一 底於和平 聰明惟亶

體用 弘 三聖繼作 見天地情
裁成功化 以逸以寧 躋民仁壽
萬世 德至孰邁 道大難名
功同元化 罔知申行 推原報本
任理攸應 大德之政 思治幽明
在在通祀 尊隆莫京 惟守土吏
恪於奉承 載敞新廟 閔安神靈
聖靈在天 與時降升 雲行雨施
品物咸亨 云何事神 而瘠于泯
翼翼禮殿 有儼神庭 民初不預
史巫經營 維皇降止 庶監嚴誠
風雨時若 歲事屢登 民浸福澤

豈曰吏能

謹夫歲月

爰勒斯銘

事神治人

績用昭稱

煌煌麗石

永垂頌聲

表碣

文通先生墓表

先生諱天鐸字振之姓王氏世為衛之汲
祖諱仲祖諱經顯考諱宇妣孟氏由農而士汔于先君蓋
四世矣其本支德澤與夫出處之大致已鑿諸埋石
茲不復云惟其心之與學達於政而明夫用之所當
然者故發越以昭于外初先君既冠以家學魁多士
已而嘆曰君子不可以虛構是足以盡吾學乎且天
之所畀於我者何如我能克而復之以塞夫所以畀

六考終于家遠近訃聞來會哭者踰月如知巴丁郎
中居實石處士德玉單侍講公履烏宣慰貞等垂淚
而言曰天不少假公年俾為我輩著龜今而後過將
孰寡矣仍以文誄之至有識敏學精是既錫之以重
彼何奪之以輕逝長川而中流拖絕涉遠路而半道
車傾其為時賢敬惜如此明年戊子春三月改葬于
康公里清水原猓渦之洄曲奉常宋衛教授趙澄邾
翰進士太原劉冲邑大夫李瑞僉曰先生卷德丘園
學貫三極其行與業為國人所矜式可謂敏學先物
達夫世用者也遂相與據法而謚表其封曰文通先
生之墓夫人永和靳氏進士子玄之孫安陽丞顯思
之女生子二人先卒家府沒小子惓忱等服膺嚴訓

獲登仕版粗有立于世識者謂先生之志之學蓋有
驗於後矣是用昭揭神道永示來裔銘曰

政為事樞用乃道與學焉而兩不克是為虛拘融體
用於一源宜大行而窮居其命矣夫若或訓斯世而
迪後壽高名而不渝固云先生之知命胡其銜之不抒

碑陰先友記

曹居一字通甫北燕人有文章善談諧以謨畫佐征
南幕府官員外郎卒

劉祁字京叔渾源人資純粹早以文章擅名有神川
遜士集行于世弟郁以篆隸真行名家終監察御史
牛天祥字國瑞上黨人深天文武經學歷恒山公府
講議官應東諸侯聘客死聊城

孟道字伯達瑯邪人性沈毅有機果威儀抑抑以
業顯東海

趙澄字公靖共城人性純古有儒行終衛州教授
司之才字進道淇門人業詞科有聲場屋間性峭直
有口

盧武賢字叔賢燕人資雄俊意談兵以客卿游諸侯間
王之綱字德柔湯陰人通世務以儒術緣吏事有塩
鐵諸論傳于相下

邢敏字公達秦人性公直明法令以廉自持用薦授
左司員外郎終大名府判官

李貞字彥祥黎陽人先考同年吏員轉尚書戶部掾
性溫粹以善淑稱

釋朗秀廩延人行精嚴內典外五經子史無不究覽
逮耄期不倦示滅衛之仁化寺

楊果字正卿蒲陰人詞賦第歷劇縣皆有能聲文采
風流照映一世拜叅知政事終懷孟路總管

董瀛字巨源廉臺人精力有幹局常從王潯南問學
今為淮東按察使

董民譽字端卿陽夏人詞賦第為人渾厚無圭角與
時浮沉常叅預江漢都督府事

劉方字元卿陵川人性清古善歌詩終衛輝路提學
宰沂字魯伯洛陽人才長氣豪抱負奇節嘗與中書

楊維說降西山主帥時人壯之後為王府徵士
張豸字義夫相人性僻直數從事郡府少不合輒望

望棄去

趙鵬字搏霄蒲陰人純粹有著舊風金詞賦進士用
辟舉令泌陽以廉能稱

石盞德玉字君寶蓋州人性至孝與人交剴悌篤信
義嘗與友共事惡其不直遂絕而不較

勾龍瀛字英孺河南人性方直在河南有詩聲述姓
譜行于世

烏古論貞字正卿遼東人沉毅果敢用蔭任內侍官
得幸北渡後顯仕於去就不屑

周惠字德甫隰州人性慷慨有大志早貴幸樂與賢
士夫遊終江淮都轉運使

王昌齡字顯之滄州人蘊藉有經濟才由叅議史忠

武府知衛州有惠政

李瑞字天祥汲人性強果重義急難凜古人風達吏務有調議於先考執弟子禮終身馬仕至潞州判官王贊字子襄登封人性直諒生平游元劉間好詩學劉冲字進之太原人性剛克敦友義嗜學安貧樂道人善事與心會激節感慨有幽并豪傑氣尤長於左氏春秋

馬寅字致遠許州人性雅重嗜古學恬於仕進

丁居實字仲華錦州人用蔭以吏起身有廉德北渡後以前代掌故授禮部郎中致仕

馬佐字佐之滄州人金明昌太學生有賦聲

完顏孟陽字和之遼東人用門資起身為部掾北渡

後不仕好古書家藏至千餘卷

沈侃字和卿魏人資端方精律學嚴而疾惡由憲臺

司法調陵州倅致仕

張善淵字機道譙人少為黃冠師性機警有幹局表表為玄門綱

王磐字文炳永年人經義第一人品高邁儀範一世文章精極理要臨大節不可奪今為翰林學士承旨

徒單公履字雲甫遼海人經義第學問該貫善持論世以通儒歸之性純孝樂誨人官至侍講學士

陶諒字信之獲呂人有吏幹歷邑長著能稱

程和字仲美武涉人長管庫材以聚書教子為志竟莫遂而沒哀哉

胡璉字國瑞武安人詞賦第為人慈祥樂易風流偉
德度子祗適有俊材光大其先業

朱萬齡字壽之雲夢人生平以道學自負星曆占筮
乃其所長

楊弘道字叔能淄川人氣高古不事舉業磊落有大
志文章極自得之趣有小亨集行于世

王信字信之南燕人少為律吏美丰儀嗜酒有氣義
李班字晉伯北燕人性介特以品官子補部掾

趙非熊字周卿安陽人貞祐間嘗以材武選為春官
衛率為人資嚴厚可任以重事

長樂阡表

汲郡王氏其先河南陽武縣園亭人避靖康之亂北

渡河至汲樂其風土衍沃遂占籍為長樂鄉西晉里
人今墟落南原纍纍而阜者蓋自肇遷以來丘壠也
族衍代深法不可溝合率藁殞兆外時我

曾祖府君以大宗子觀其然而歎曰禮當改卜新阡
為王氏第二營明靈其舍諸况責實在我乎於是擇
葬而東得地於第四疇清溝之北自禰而上三世合
群從凡厝者廿餘窀其紹已絕而力弗逮者率棺衾
畢具遠近聚觀莫不歎其孝之至仁之厚也及夫歲
時墓祭先西後東傳於今而不墜百年来墓栢蔚茂
蒼烟梨雪光動林陌識者謂君子之澤淵流而未央
也時則泰和之末大安初年也迨我有元至元十五
年戊寅不肖孫憚由翰林待制授朝列大夫克河北

河南道提刑按察副使明年春三月按部而南過家
上塚首從二墳以封以饗其東阡則繚以短垣周若
干步武復欲發達幽光慨焉莫究訪者舊則高年俱
盡考世德則旌紀寂寥因念天下之物未有無本而
立捨祖而豐昵者也然遠則疏疏則不親不親則塗
人此世俗之常情也今王氏二百載間丘墓移置者
三始焉西晉里再卜白楊曠分白楊而祖西河鄉勢
固有當然者彼子孫浸遠吾豈敢必其不源委泮渙
枝葉扶疏者哉惟其沂流尋源推末求本明夫當然
之理固不得親其親而豐于昵者矣後之來者能以
吾言世守而不易雖百世可親也而我
祖建遷之義是不可不表見于後曾祖諱經字伯常

讀書不仕以仁厚庇一鄉衛人至今以長者稱銘曰

族萃蕃

理則遷

尊而祖

獲所安

論本根

不易存

祭先河

祖所尊

致時祀

首遠墳

取此法

裕後昆

繫我曾

寔古人

仁之厚

孝之純

西晉里

長樂原

憶墓栢

鎖蒼烟

鬱相望

見嬋媽

孰不曰

王氏阡

銘貞石

表先德

陵谷遷

庶可識

管勾推公墓碣銘

公諱德字濟之姓推氏其先相州隆慮人宋季有起
身刀筆至州錄事叅軍者以政尚嚴明不畏強禦名
大父暨兄金初避仇徙家衛之共城伯祖以材補縣

吏不幸皆早世考復字永亨時在襁褓母李氏貧不能家提之再蘇邑醫杜氏及長就傳其術遂以良醫稱公少穎異能紹其家學軒岐雷扁以來書浩博不易究悉研窮機要所得為甚多正大丁亥以方瘍兩科中選由醫工補省司管勾公有蘊藉以德將藝為上官推重生平志存濟物故其診治疾症未嘗以貧富易心理或未安歸若芒刺在背隱不敢着席初貞佑大兵後比屋疫作與考謀曰今困厄如是我實司命可坐視不救遂大措湯劑厯飲閭里間其乏粥瀆者復以米遺之全活甚衆天興初盜起西山約衆東走汴中塗遇劫賊熟視為公遽放仗前謝曰推君父子勳以藥惠脫我草命忍以非義加諸餘亦獲免壬辰秋歸隱

蘇嶺老者尊其德病者賴以安而少者訪其學然神膏傳瘍靈丸起廢鑿家者流正有定法而僻隱贅異等疾在方伎所無者公率能一望而知意料而決翕忽死生之變如程氏子得腹痛疾以食毒治而苦愈亟謁公狀聞曰此臍疽也已無及矣程不應公曰後三日當有腐血下而絕及期果然晚節耽耽史籍酣適醪醴浮沉得喪一寓情杯酌間或勸焉曰吾方陶然遊太和之鄉君可去毋啜竟以飲致疾終享年七十有二配桑氏鄉進士彥周之女壺儀母道有承平故家風範生女子三人長適司候張顯仲女鉅家李氏季歸王某後公五年卒壽八秩聳顯等合葬古郭里栢門山南原殿士桑君瑩西南隅寶至元二年二月四日

也後十五年春憚按部南下躬奠墓次泫然興感縱
羊曇之淚下沾襟時思罔替終伯道之自遺伊感為
恨何如惟是鑽石紀銘昭告下泉庶幾少有慰焉推
為氏歷考姓書不見惟潛夫論載餘推氏出楚之芊
姓公豈其苗裔乎銘曰

軒岐有書

是為內經

洞達病機

惟明克能

於惟我公

天稟粹靈

靈丸起廢

神膏續肱

不主故常

以益智行

推本所自

其源淵渟

藝精多挾

度貨可居

高下其手

類夫吏胥

繫公處心

德度愉愉

拯溺救焚

已焉是圖

相彼陽施

宜嗣厥後

本支顛兀

理莫可究

累累堂封

栢山南元

刻銘表公

以慰下泉

雖高深兮易位

尚知為卿先生推氏之所

故將仕郎潞州襄垣縣尹李公墓碣銘

世有風誼之士粹出天稟不俟激昂藹鄉曲之譽稱
於士大夫間者李公其人也公諱瑞字天祥其先潞
州上黨人系出唐昭武公抱王之裔五代季遠祖以
官家衛公為人慷慨有機警長身銳目髯糝糊蝟磔
酒酣吐氣抵掌談話而英姿颯爽之餘猶隱然溢眉
睫間少為縣吏錄錄無所見正大間恒山公僊提孤
軍宿汲連九公聲援君時給事幕府參軍李仲愛其

武幹委以赤白囊事公感其知遇晝則荷戈捍侮于
外夕則抱牘上軍務于府殊趑趑然及宜津撤守跳
大梁既而京城疫作縱飢民出公倡率流播救死扶
羸歸邪延撒吉似悉編為氓者千七百餘口逮乙未
春家府一見喜曰此跖弛士也教之當有用遂礪夫
礪厲日致其詳謹馬州召為吏主掾數不屑去壬子
秋 詔以衛六縣為丞相忠武公采地參卿王公來
主州治舉能理劇署之典簿領聽其指縱躍如也巨
細之務釐補肅叙効其用居多俄薦授錄事參軍兼
汲邑長將順拊循至有惠愛至元三年總尹陳公以
材辟府從事六年積前後勞赤牒授潞州判官棲遲下
位德及民為艱故寬簡特大體謙讓睦僚友聽共佐

理中多裨益了不露已出至上敬下安惟恐秩竟而
去之遽也九年夏予調官晉府過家上冢昨飲水濱
語平生甚悉翼日鷄一鳴送予遠郊外泣且言曰吾
老矣不能為升斗祿走形勢途第相見期邈未知復
無恙否遂哽噎訣去余亦歔歔久之且訝其遽如許
也其秋以訃來告嗚呼哀哉公事家府執弟子禮三
十年始終如一日一別終天葬弗逮送弔不及哀銘
誄未彰有恨何如嗣子震既礪石墓道百拜來請銘
曰無庸固所願也公姿孝悌喜賓客賑貧繼乏雖脫
驂指困略無難色至於排難解紛不自顧藉猶焚溺
之在已復能通下情知疾苦媁媁款款老安少懷與
人接無貴賤禮夷故牛童馬走盡得其恠心晚節備

嘗世故小心儉畏以省事為樂有訟來質成公溫言
理喻曰緩急人時有也其忍以小忿與怨可退思自
省既而偕謝曰公長者過不敢復聞又善營構事不
為巧飾要以敦鞏延百載上如衛之泮宮潞之儲廩
是也初農民發野塚市甕下令禁馬暴委之患遂絕
士人牛國瑞聞公義託妻子東遊客死聊城為經紀
其家又石其氏者坐事累 猝不易辨明索之急投公
匿馬竟賴以脫里有喪率匍匐救視孔懷之情踰於
兄弟至貧不能舉者棺衾坎壙楸柎之物必具葬乃
已其周急趨難甚於己私類若此終飲德不伐閒居
灌鑿樹藝簷衣糲食與老農老圃為伍殆將終身焉
噫哀俗頽波中矯矯然有古義士風出則智効於官

處則行此一鄉可謂不凡者矣士方以壽祉期公一
旦暴債不及中壽為惑豈氣盛而衰物剛易折推原
本自理或亶然然觀義之所在有不亡者存焉異時
有帶劔喬林讀予文而興起者未必不拜酹公墳俾
配食於縣社也公仕至將仕郎潞州襄垣縣尹命已
下卒春秋六十有四實九年壬申七月十九日也配
張氏先卒女二人長曰阿醜女甥魏玠次未笄皆繼公
沒嗣子震實主其喪葬汲縣南唐津里清水之南源銘曰

太史著書

游俠與倖

不軌正理

匪暴豪邪

行而宜之

義莫有加

李公之先

奮跡將家

餘烈有光

流而義華

故俠馬負巨先之氣

行馬佩仲由之猥 家府與訓 化而柔嘉
據理施惠 如有等差 趨人之難
甚於已私 孤不自存 我衣食之
貧不喪舉 我棺窆之 野塚纍纍
公助半之 夷考其行 匪義則那
以之蒞官 敏而外和 絲棼我理
瘡痍我摩 方百里之命下 俄春者之不歌
心則因單 其如命何 念公平生
涕泗滂沱 番番良聲 公榮實多
泉流西東 太行嵯峨 我銘刻石
等於不磨

秋澗先生大全文集卷第五十九

秋澗先生大全文集卷第六十
碣

大元國故尚書省左右司員外郎韓公神
道碣銘 并序

夫朝廷山林之士有往而不返入而不能出者惟其
勇於靜退貞不絕俗是則為丈夫之事吾於鄉先生
韓公得之矣公諱仁字義和父顯有融德不耀公甫
冠而孤事母以至孝稱好學強識聞一善事樂為而
不饜正大間舉孝廉辟為州孔目以能克元帥府令
史方羽書交馳際公勵精所事為上官推重番譯史
安天合為相友善壬辰北渡隱居鄉間澹然無所營
庚子歲詔行臺於燕開幕府選叅佐得良能為亟用

行馬佩仲由之猥 家府與訓 化而柔嘉
據理施惠 如有等差 趨人之難
甚於已私 孤不自存 我衣食之
貧不喪舉 我棺窆之 野塚纍纍
公助半之 夷考其行 匪義則那
以之蒞官 敏而外和 絲棼我理
瘡痍我摩 方百里之命下 俄春者之不歌
心則因單 其如命何 念公平生
涕泗滂沱 番番良聲 公榮實多
泉流西東 太行嵯峨 我銘刻石
等於不磨

秋澗先生大全文集卷第五十九

秋澗先生大全文集卷第六十
碣

大元國故尚書省左右司員外郎韓公神
道碣銘 并序

夫朝廷山林之士有往而不返入而不能出者惟其
勇於靜退貞不絕俗是則為丈夫之事吾於鄉先生
韓公得之矣公諱仁字義和父顯有融德不耀公甫
冠而孤事母以至孝稱好學強識聞一善事樂為而
不饜正大間舉孝廉辟為州孔目以能克元帥府令
史方羽書交馳際公勵精所事為上官推重番譯史
安天合為相友善壬辰北渡隱居鄉間澹然無所營
庚子歲詔行臺於燕開幕府選叅佐得良能為亟用

安侯薦首聘公充尚書省都事癸卯春以國計北覲
上詢以金粟川流蘿圖鞏固將何策可濟對者以十
數獨公敷陳詳明簡而得要有鑒古訓用賢材之說
上喜甚仍奏天下困窮者實繁其徒方發政施仁之
秋宜子惠俾需大賚允焉迄今貧子月給廩料蓋自
公伊始是年秋丁母梁氏憂尋奪哀起授左右司員
外郎公早夜在公以吏務自任郎中李獻卿才望重
兩朝亦許公和光解紛能就吾事又明年冬以祔母
夫人得告南歸既衰事偕內子張氏棄俗入道自號
逍遙子遂西遊太華終南諸山黃冠野服偃然閱世
如老松卧雲壑者逾三紀焉公資明淑生平與物無
忤其薦賢周急有大過人者宗族藉之通達者甚衆

嘗買僮即約之曰汝等以世故不幸及此義則勉
相從否則任渠所往晚節專以方書濟人為事聞一
秘方奇訣求訪百至易千金不吝歲久得益多如煙
霞醫林等集悉錄梓流布猶虞所傳未暢擇標治者
遍書閭巷壁間京師物繁歲多奇疾賴公起死者不
勝紀例來謝辭不見曰吾庶幾道念濟苛苦而已餘
何計當時少傅竇公亦以醫方談客多獵神農經所
載為用公則博採經驗所謂海上方者錄之無遺二
公雖趣向不同於博施則一也故竇韓之名並傳于
世先是道人謝志賢等欲公進退有道心存濟物殆
非尋常所可及遂請主神寶修真二觀餘三十年奉
公猶一日公有二侄長曰天祐泰鹽提舉次德旻由

後衛從事克樞密院令史德是以公菴期迎至家庭
與妻范氏侍養送終禮無少憾士論賢之公以至元
十九年十月望日考終牖下享年八十有四某月日
將歸窆汲縣耿岡之新壠墓須銘以鄉耆故來屬筆
其敢以蕪斐辭銘曰

頌允韓公

生有淑質

陳力周行

孝廉應辟

移而為忠

載揚厥職

濟物之心

一何云亟

漢署千官

含香入侍

經國之對

允合

眷思

片言回春

仁者之賜

脫屣榮貴

神武挂冠

退身急流

又人所難

全真為教

樂在一簞

青囊集驗

救夫世瘼

旁搜博施

一壺市間

保合太和

浩浩其天

我鍊我形

我駐我顏

較彼獨善

九鵬一鷗

棲遲有窠

逍遙有篇

青山白雲

玄門老仙

黃岡北原

瞻焉故山

惟耿新壠

繫公改遷

魂兮來歸

諒先生之所安

大元故濛溪先生張君墓碣銘序

余官晉府者四年得進修之士一人曰濛溪張君每
暇與相往來把酒論文最可尚者君無求於人人之
有得于君殊冲然也私自念異時禮文興舉吾儻與
當任渠責及承乏翰林君墓草已宿乙未夏其子思

敬來京師謁予以墓銘為請慰唁餘為歎歎者久之
言猶在耳其忍以不敏辭君諱著字仲明姓張氏世
為襄陵縣張相里人曾祖諱某雅重然諾顧義所在
雖死生以之祖愿父彬皆潛德不仕讀書治田子孫
相傳以為家法君少穎悟不待勉勵卓然自志於學
國初戊戌歲設科取士君以詞賦中選既而嘆曰士
當遠大自期雕蟲篆刻將何為哉適貽溪麻先生洎
前進士允齋曹丈來主經局君喜且不寐曰今而後
吾學有所正矣遂刮去故習沉潛伊洛諸書雖飢渴
寒暑貧窮得失不易其初心所謂道之體用文之華
實探涉其源流咀嚼其膏味積而為文詞發而為事
業不盈不矜介然家居以樂育諸生為業中統建元

願齋張公以直道清置撫河東廉君才行擢主潞城
簿政廉能以畏愛稱明年公去事齟齬不可為以親
老西歸有司累辟不就至元乙酉用薦者授平陽路
儒學教授於是衆論大厭士風為一變先生年彌高
德彌邵學益博文益奇士友知所依嚮吏民咸有矜
式秩竟不聽其去者逾再考厥後子思敬自南陽教
官來省聞彼中風土樂焉曰名山大川平日所願見
遂命駕南遊以至元壬辰夏六月廿六日考終寓舍
享年六十有九初娶陶寺里大家趙氏一子思敬二
女長嫁同邑王黼次適洪洞梁龜齡繼室曲沃靳氏
孫男二曰世權世衡思敬以家學今克隆福宮宮教
先生姿明亮色夷而氣清為人誠厚寡慾不戚戚於

貧賤與人交始若疎淡久之愈敬而愛人百負之終
不較望而知為雅德君子其成就後進為已任故晉
人以文名而達者多出其門切惟亡金百年来平陽
號稱多士每歲舉子赴選大約數倍諸郡至有白首
場屋庶幾一第餘有不暇及者唯君年甫冠即能知
所學所從拔出習俗潛心古道踐履外詩文雜著曰
濛溪集者五百餘篇何多矣哉晉絳諸人未之有也
况一辭一藻典雅有法理明辭約以自得為主是可
銘銘曰

四科稱賢曰德與藝其在聖門用不偏廢文乃道與
經天緯地苟遺其本剽竊何異利祿科場疇非誕誇
聯綴補網是言邪濛溪為學其復不遐洗心程張

正藝曹麻閉門窮經其書滿家玉佩瓊瑤槩焉辭華
含章時發其助也多士之生世濟時行道時既我乖
立言明教生榮沒傳朝菌夕蓼達人觀彼此奚較
大川河宗名山華崧地靈氣異先生所鍾一朝長遊
杳焉飛鴻世皆知仁智之所樂吾獨為歸根返壑乃
先生之所終凌倒景而不滅其元精耿耿固浩乎其
所不窮適來吾時適去吾從先生之心與造物也從
容尖山西東相里新宮我銘斯石如勒景鐘雖陵遷
兮谷變尚知為濛溪先生之封

故趙州寧晉縣善士荆君墓碣銘 序

元貞元年春廉訪荆侯改道北燕過京師來謁再拜
以先表屬筆因念予與侯初定交于癭陶一見如平

生後十年復會於東楚握手道舊勉于南行忠厚之
氣奮然萃顏間令人有不能忘者今以是來託載惟
疇昔其敢以固陋辭謹按典瑞少監焦養直善狀君
諱祐字伯祥趙之寧晉人世陶浚濱遠祖暨禰以改
工是圖曰與其供器用於一鄉曷若以善及人為愈
於是板行五經等書不二十寒暑荆氏家籍布滿河
朔君甫冠而孤每以保大家業為志貞祐兵乃取五
經泰和律義篇廣韻板閱墟垠中亂定來視盜發掘
無幾君悉力補購隨復為完郡或者云初藏書時善
本固多唯取是三者何哉曰經者道之本法者治之
具韻者字之始文籍所由生其為善已多聞者謂知
本于時官府生聚雖稍稍有立詩書法律晚生後輩

不知為何物一旦得是如轉者復明迷者之知津也
而又印模精取直廉故售者廣屋日為之潤所可重
者積而能散縣人王壹者坐事累繫獄吏挾私欲死
之君力與營救彼不顧且諷而微賄竟傾貲出之渠
來謝却不見曰吾區區若然者憐爾罔陷非辜餘何
有于子歲州縣通籍冒占者有禁里姬瞽而來依者
惻然以乳姆收恤轉易書輦往往宿負審其窶既折
元券復惠之書嘗有以女奴來償者辭不克媧而
馬斯皆風義矯矯人難能者率樂為之故鄉里無親
疏以善人稱君以丁巳秋遘疾遺命仲子元綱曰伯
叔二喪未克葬汝勉襄大事以卒吾志言終而逝實
是年八月八日也壽五十有九藏先塋昭穴君資和

易處事明敏終以失學為愧憾及諸子長皆教之讀書嘗訓飭曰吾已面墻無及今幸嗣先業庭戶間書帙紛繡豈有資人進修啓不自力將何以免君子之譏且先世易治而衰祈期正爾汝曹其勉旃君初娶劉氏繼室蘇氏生四子長國器中戊戌詞科次國用善屬文皆前卒次元綱自幼有成人風君嘗語所親異時保家子也竟如言季幼紀為人雅重信道篤少從敬齋李先生學所得為多由典瑞貳卿擢任風憲今為小北遼東道廉訪使女一適進士張景賢孫懷寶男孫九人曰諶曰詢曰誠曰謙曰謚曰誼曰諒曰詡曰諷女孫五人一在室餘皆適士族曾孫九女孫如之於乎盛哉子然後知善惡之報至于孫而後定

者審矣銘曰

繫士居業擇術是先有篤者志善乎變遷捨鈞治書理幾於妍顯允荆君思深業專誓教子而亢宗見藏書之有權要本孝義奉而周旋萃英敷華煥乎簡編迪我後人學者賴焉磊落載腹究從蹄筌積厚能散憫窮拔寃不有其祉委順百年慶流後裔子孫蟬嫣人定彼勝其然亶然二子翩翩遺珠在淵仲克世荷愿而稱賢季由近侍三使輜軒較夫善利孰大斯傳固惟自稽古之力實資藉之所緣欲報之德有昊者天刻我銘章于晉之阡適追來孝以慰下泉異時推耆德而配鄉社尚有攷于瑤鐫

洪岳老人石琬公墓碣銘

公姓石琰氏諱德玉字君寶遼東蓋州人疎髯炯目
氣骨臞清超超然如萬里之鶴貞祐初以良家子
軍效夏折橋功得官積勞至武德將軍北渡後
相衛間母杜氏唐相如晦後公天性能孝愉色
斑衣垂白朝夕孺慕雖菽水無 有南陵白華之
時杜氏壽登八秩清修絕葷茹素日庭除間生白菌百
餘本撮去復茁者數月人以為孝感所致 贈
詩有似憐甘旨闕春風茁玉芝之句
篤趨人之急逾於己私至遇不
竹木花石時釀名酒客至輒
而後已眼花耳熱與之扶策
之某處手植而即著者也此

眇柯怡顏喜津津溢眉睫間曰吾且 有 不
壁矣嘗種竹當戶或謂太迫曰待其繁茂秋霽月
之時俾清樾透簾為此君寫真耳故終日翰然對之
灑為樂其清澹如此晚年游心命書人有問必以
修己安分為答能此不待孤虛旺相吾言固有徵矣
丙子公年八十有五嘗繪共山歸隱圖以自歌其
所樂因號共岳老人是歲冬灑然而逝若委蛇焉孺
人劉氏能遂公初心主治中饋不知其為貧家也生
女子二人長適御史康天英次適河東道提刑按察
使姜或家府與公交款曲篤世契三十年一別終天
有恨何如尋步入街西故里眇眇竹樹慨然有聞遂
懷人之愴老淚濡毫而有斯作銘曰

貧而樂有類乎黔婁心而隱似慕夫德翁事親極融
融之樂逢辰出蹇蹇之忠布衣歸來黔而自容將徘徊
而孰友侶藜藿而伍岳松生也順事沒寧吾躬古
之所謂鄉先生死而祭于社者其處士之堂封乎

大元故廣威將軍寧晉縣令李公墓碣銘

公諱讓姓李氏其先易水黃山人也父海資善良世
樹藝為業公既孤母張氏以健持家就熟南遷至寧
晉唐城鄉愛其風土遂占籍為縣人公初生顛骨有
異狀及冠美鬚髯聲音如鐘為人善騎射勇於赴義
為一方推服貞祐初河朔失守所在寇盜充斥日相
吞噬公慨然輟耕墮上團結鄉豪游獵陸澤荆蘭間
以保庇井邑為事蓋有所需以明歸附之志歲己卯

天兵南下公與兄直首率里人迎拜女兒那顏於軍
門嘉其效順授直行寧晉縣事公管軍總校仍聽元
帥蔡國公節制時歲荒民飢道殣相望曰東有水柵
曰歷城大澤瀾漫周浸百餘里菱芡魚鳧資生之物
甚富民往依大獲厥所庚辰秋金冀州將柴茂以兵
來取兄與公力戰而前直死焉公憤大尤敗沒衆又
失所庇以圖報復瀝為誓雖食頃不忘也繼從縣長
王帥復奪其柵居無幾茂復合大勢來爭前次滿氏
公聞之盡匿精銳于瀝旁二十里叢葦間以弱誘
茂令之曰伺彼過聽金聲而作親驅數百人前逆鋒
終交即佯北逗茂逾紀氏塢金鳴伏發茂腹背受兵
大挫其銳公回戈追奔五戰皆捷自是冀人聲燭不

敢復窺潯垠矣。瀝城用以全安，帥閫酬勞，授主簿。乙酉冬，武仙以真定叛，麾下劇節副鄭進等乘勢剽掠趙、癭、陶、迤東，悉為丘墟。公度力不可支，收合餘與鼓藁二王帥合勢，併破劇、鄭諸砦，數百級。而還所失，保聚生齒，皆得復故。丙戌冬，仙復令劇鎮戍趙州。明年春，從大兵規取克馬。時太師木花里以得專封拜，錄公前後功，授公行鼓城帥府右監軍。銀符使顯異焉。既而陞克本縣令，以寧昌為世封。於是招流亡，布恩惠，盡井闢起市集，廛居有貿易之利，田里無追呼之擾，四民樂業，外戶為不扃矣。

田務抑游惰，扶寡弱，治姦蠹，是又公之所必行。慊民有衣食，不自給者，公發私藏以贖之，富

足帥府聞之，為復其三年貴矣。公必耕而食蠶而得衣，居常以榜揭門扉，私囑于謁請，無相覲，其廉守如此。癸丑春，以老致仕，令男天秩嗣職。優游里社，日課子孫耕鑿為務，嘗芥桑田間，或勸之，公曰：「官時來為農，吾家素業。我若爾兒輩，尚惰而自安，或者謝而去。古人稱貴而能賤，丈夫之事，公其有焉。」以至元十一年十月廿二日考終牖下，享年八十有七。越四月葬縣西北下王里之新塋，禮也。祖送者幾萬人。夫人祕氏、趙氏、張氏子男六人，長曰天澤，歷寧晉元氏兩縣簿。次天祿，本縣興魯千戶。次天祐，監寧晉酒。次天祚，不仕。次天祥，次天祐，某鎮巡檢。女四人，長與次俱適趙氏，次適牛氏，次適郝氏。男孫一十九人，女孫一

十三人重孫男一十八人重孫女一十三人初公畜家僮數百指悉縱遣為良曾無鬻身分役之責人又欽其德厚云天祿性孝義仡仡有父風以北孟舊塋屢為溲浸所嚙遂改卜於此既襄事贄禮幣百拜來請銘予方問俗浚濱見其遺黎故老脫離兵革六十餘載猶為懷思王李諸人眷眷不忘有配社尸祝之報嗚呼貞祐之亂可謂離且瘼矣元元之民莫適所歸不為人所魚肉必轉死溝壑如王李諸公雖奮棘矜起隴畝至于父子昆弟出死力角羣豪經營捍蔽使一方奠安又識夫天運所在挈民去危邦而就興國誠亦出人意表一時賢豪者也甫定後復能俾官府生聚日就完好今歷官鄉曲歲時拜墓于予而來

者皆曩時不能自存之嗣續也其德民之厚感民之深又何止童不雉捕長江之虎渡者哉其宜子孫繩繩藝藝皆有所立然後知德施于民功被一時者天之垂報何其豐且阜哉銘曰

癭陶北郊

里號下王

顧瞻佳城

蔚乎蒼蒼

是為晉長

李公之藏

惟是李公

千夫之防

果毅之勇

木訥之剛

奮身隴畝

舉圖義佳

貞祐南播

雲擾之倣

割據侵陵

互相魚肉

民匪殲夷

轉死溝谷

宛彼瀝城

居水之腹

菱芡魚鳧

大益不足

聞公來依

襁負相續

如鹿走音

如鳥棲木

四境騷然

獨為樂園

耿氏昆仍

旌旗部曲

既復兄讎

又知所屬

草昧初分

官府始置

戢我武幹

明夫吏治

內守以廉

外方以義

撫循有方

興滯補弊

扶弱抑強

繩姦束吏

百戰遺黎

竟保終惠

民之戴公

頌聲噦噦

尸而祝之

懷恩罔替

勒銘豐碑

尚克永世

大元故河中府南北道船橋總管謝公墓

碣銘

公諱

字仲進其先燕之香河人

金

吾衛上將軍河東路總帥其仲子也為人性行淑

均沉實有顧慮既冠嘗從父西破川蜀每領牙隊居

前當破竹際掩目愷心未嘗以嗜殺為快雖執訊獲

醜力為全活者甚衆用勞充秦鞏路軍儲大使辦集

有方餉道為不乏丁已夏先帥薨君實主其喪線杖

瘠立躬起塋壙棺衾儀物既易可觀會者大悅復樹

豐碑昭德神道其例新阡有光焉大兄維石襲父職

役軍中行臺檄君以例繼執不可曰兄念天顯極友

愛顧棊不啻若手足然家事一聽于處鞠立之責正

在今日竟以其嗣往代其適追永言之思友于恤孤

之義蓋終身焉爾過於人遠甚者類多此晚節以

故侯失將駕下澤乘款段遊居中條田間耕牧卒歲

裕如也至元乙亥冬十二月廿有六日以疾終平陽府崇道里私第之正寢得年五十有五官至河中府船橋總管越三日厝於府東神泉鄉之南里原從遷壙也萬口稱惜咸以善人歸焉夫人劉氏晉之平陽人德柔嘉主內事殊嚴生三子長曰純克家有立志次日曰繹謹愿嚮子道季天女一適裴氏子孫男一人未名既卒哭嗣子純來求表其墓道予私念其故昔孔子遇舊館人之喪脫駟馬以賻曰吾惡夫涕之無從也君於予西道之主人也從游讌語恂恂然蓋三年於茲殆非過客之有頃其可辭不敏君生長秦晉間而禮度雍雍不知為將家子與人交信無間言其在諸弟間棣華輝蔭惟恐弗

又出天稟粹然也嗚呼以君之德之壽較之有不相稱及者仍哀之以詞銘曰

蒼茫兩間生也倏寓一氣之來命有定數彼修短予奪理則有之若不繫夫積習善惡之故嗚呼謝君一債而去孝友淑善曾終始渝素天之報施如此豈定者不可奪來者固所與也將子孫延昌以永其終譽邪吁

故將仕郎汲縣尹韓府君墓表

府君姓韓氏諱澍字巨川其先陳留酸棗人世以儒業顯遠祖有方官至大司空六代祖疇累階銀青榮祿大夫五季間北渡河遂占籍為衛人榮祿生朝奉大夫祗德朝奉生八十一秀才奕山山生渤亦舉進

士勃生柅善居室遂用富饒於君為曾祖祖悅有淳
德不耀父仲字仲寬所居以善行稱君自穉齒性沉
潛寡言笑羣兒劇里中過不少睨宗黨異焉少長以
刀筆起家用言者為安陽吏主掾以能入為府屬吏
丙辰歲 朝廷以相之五縣封 太弟為采邑繼郡
帥例肆覲君毅然以民計從行及敷對稱

旨 戶曹孔目官明年春降璽書起聘君太
原高公鳴為彰德路總管遂汰冗員擢群能新舊圖
至設府史不數人君首以才選無幾轉案牘提控官
夙夜在公勵精所事閱六歲克勤猶一日大為總尹
所知 錄事叅軍至元二年轉官制行積前後勞授
以縣尹下車首以美俗郡農為務顧謂寮屬曰富足

若禮義之資耕桑者風化之本至于飭序傳謹迎候
奉上官徵目前之譽非吾所知也於是下教條課戶
丁斲蕪薄植桑果以敦大本非農隙不許入城市暇
則行縣檢視勤惰而賞罰焉自是 隰昫昫榛惡為
有間鄉隣有以忿鬪訟於庭者君田孝悌力田親仁
善鄰古之善道初無大故何乃至爾論而遣之至頑
不率教則曰聽兩造造明曲直是不難恐一置于罰終
身玷辱為鄉黨指誚吾惜汝者此也儻不吾念論如
法比秩滿五事備舉所獲來暮之歌厥聲載路矣五
年用新銓法勅授將仕郎主高唐縣簿凡九月興疾
歸明年卒於絃歌里舍得年四十有八實至元庚午
春二月一日也越十有九日從葬安陽縣西陵鄉武官

原之新塋母李氏時年八十拊柩而哭之慟曰天乎
遽奪我純孝至此酷乎聞者憫其賢孝縣君金相人
進士秦公之孫配君德良稱生子男三長曰從益自
憲臺六察史今為燕南河北道提刑按察司書史次
從愿從華女明童適王氏子男孫四人後九年歲戊
寅冬十一月七日終祔安玄堂之左禮也初縣境夏
大旱比致禱私念事之壅底獄之鬱滯亦沴氣是致
乃裁決牢繫為一空及禱蒼山祠雲霧未收雲幢幢
起中豁翼日雨盈尺繼謝祠下車還衆曰尹精誠若
是當有回馬雨表公虔至半途果然尋鄰道以蝗災
告備已而竟不入境縣狀其異以聞是秋為有年君
溫雅有沉量慮事遠善措畫臨政暇裕略不動聲色

亦未嘗矜喜以己長格物其孝愛友悌出天秉粹然
不忍一朝違母氏側嘗行役逾時脊馬陟岵寢餼為
不安於承顏孺慕若此其至初見弟季既多枝葉蕃
衍門戶事繁重故挺身吏業盡心所事匪厥躬是私
期於庇本根寬父母抱者幾三十年若府君者可謂
克孝克恭念顯養志者矣其祖妣韓是為君女叔女日
叔者稱父之君之嗣從益次某行為外弟一日跪而
也出六帖請曰先人棄養奄踰八年坎不及誌有衎未祛唯是
表於墓左者又闕罪惡之大無可言若銘則尚於兄
焉有託某追惟祖妣平生之言得君抱為最詳因繫
之以銘銘曰

於鏢韓氏世為儒之宗兮彩纓若綬揚歷位乎公兮

猗嗟喬孫掾習匪其躬兮
龜勉從事養夫親之志兮
庇我本根殆葛藟之義兮
聖哲所稱吾今見其人兮
於穆府君諒彼古之倫兮
兩漢循吏鑄頑以成仁兮
嗚呼令尹誠亦吏之循兮
予銘撫實其敢過為文兮
魂而有靈尚愀嘆之一呻兮

秋澗先生大全文集卷第六十

秋澗先生大全文集卷第六十一

碣銘

故善士張君墓碣銘

并序

善士張君諱從禮字仲和順州龍山人大父德仁有
耆行鄉人尊敬之稱義嘗任燕工技府總管既老君
當襲職請於府曰親老需侍余志已定弟從順賢而
克荷願畀之竟以從順嗣仲和姿清介不隨俗上下
嘗從澹泊先生學詩甚自意也事母教弟以孝友聞
承顏讀書外室屢空宴如也君既不樂仕進嘗曰菽
水盡歡不害養志三釜五鼎非所願也至傭筆以供
朝夕平生友非逾己而不交曰吾將安做施非當受
而取曰畏將曷勝弟從順泊婦併歿孤姪敏方三歲

猗嗟喬孫掾習匪其躬兮
龜勉從事養夫親之志兮
庇我本根殆葛藟之義兮
聖哲所稱吾今見其人兮
於穆府君諒彼古之倫兮
兩漢循吏鑄頑以成仁兮
嗚呼令尹誠亦吏之循兮
予銘撫實其敢過為文兮
魂而有靈尚愀嘆之一呻兮

秋澗先生大全文集卷第六十

秋澗先生大全文集卷第六十一

碣銘

故善士張君墓碣銘

并序

善士張君諱從禮字仲和順州龍山人大父德仁有
耆行鄉人尊敬之稱義嘗任燕工技府總管既老君
當襲職請於府曰親老需侍余志已定弟從順賢而
克荷願畀之竟以從順嗣仲和姿清介不隨俗上下
嘗從澹泊先生學詩甚自意也事母教弟以孝友聞
承顏讀書外室屢空宴如也君既不樂仕進嘗曰菽
水盡歡不害養志三釜五鼎非所願也至傭筆以供
朝夕平生友非逾己而不交曰吾將安做施非當受
而取曰畏將曷勝弟從順泊婦併歿孤姪敏方三歲

為鞠育成人過於己出至贇子智於友生羊舌氏家
仍為敏納室是亦人難能也詹事張侯高其孝義憐
其窮獨出楮幣數千緡付之約得子錢悉助親養君
以義重德薄謝弗敢當郡國知其賢以孝廉累辟亦
不就臺憲廉得其實旌為復之終身君悚然嘆曰人
子奉親理固當然因有和邦之教也顧從禮何足
以為
上明分有如是者所居曲水里有亭沿
植菴
挺若儼侍溫清暇日哦其間有問者
事子姑去自號栢溪主人左山商公
得贇之
京師之明年君來謁
見眉間今雖已矣尚
以孝止善者也至元癸巳
能

春母氏弃養以哀毀致疾是年冬十月三日考終牖
下得年五十有六配劉氏亦能安君貧窶早世生子
智及二女適裴氏王氏再娶董亦前君歿生子曾葬
瓊州密雲鄉之王冢原友人劉某重契義介嗣子智
中表其墓以君篤行有類古人者為之銘銘曰

堪輿兩間子職不易孝為化源融而友悌君於二者
行不少匱濟以廉貞大錫厥類目為善士吾言匪比
其善伊何可欲之謂况乎質美而學行方而義繫匹
夫而化鄉人曾克施之弗異五十六年為樂也洩洩
去水來山密雲之隰隱然斧封山塚屹立是惟吾曾

張仲之室迺者必式

後漢張顛性孝讓舉勳
合禮鄉人号張曾子

故雲中高君墓碣銘并叙

君諱祐字仲和其先雲中人高祖已來遠昭穆無可
詳者伯父與考金季家撫州以財雄邊伯父德真字
伯諒潛德不仕考諱德榮伯寬其字也姿醇厚鄉黨
以德人稱嘗以勞推豐利酒伯母暨君之妣皆張氏
女以姒姊而列妯娌伯生子曰信字仲禮曰義字仲
仁信美丰儀虎睛豐頤耳珠赴海以樂終君實仲之
嗣兒敦厖性孝悌及長雖混迹闒闐衆不敢以尋常
期初燕雲失守豐利府君避地南遷汴梁壬辰歲例
杜徒以實衛墟君與兄信素負心計相與謀曰衛居
天中寔通都劇邑百物繁夥合散於此若以什一與
時馳逐可致屋潤遂主貨殖為業君為人篤信明敏
不底蘊留既易彼取反息且廉故聲實四出商販與

集其門貲既饒麥不忍鬴利自濡以東多益寡為得
每每貸子錢有不克償及群居邸舍積儲直而負者
審其窘悉折券無難色由是三郎以長者稱於中外
至元十九年五月四日以疾終於家壽六十有五三
日塋汝縣汝城鄉南王里之原從新迂也配張氏與
君德良稱生四子長曰明福以通幹由泰監管勾任
河南府交鈔庫使次世英世顯世昌孫二人曰蔓曰
莘姪三人曰夔得鄉貢儒士前君卒曰世傑世寧姪
孫二曰華曰華重孫一曰復亨明年明福以墓碣來
請銘余以同里巷者五十年知高氏為最詳即其富
潤齒息而論蓋自高曾而降凡六世雖荐更世故以
孝義勤儉同居不析故也至君承父兄餘業益光大

於後內則齊理嚴肅以身率先族屬家僅千有餘指
無問言日趨事惟謹屋廬被服務從朴素常以驕靡
為戒外則持心近厚與物無滯敬畏官府奔走輸辦
未嘗少厭所患謀生之不勤胡恤王事之時亟也自
壬子通閱後高氏迄今為河朔名數之冠豈偶然哉
故遠服賈者雖千萬里外念寬厚饒裕獨以高氏為
讓矧高氏以義致利義重於生因貲致富富而不驕
為子孫又能求銘以昭世德是又好禮而知本者也
焉得辭銘曰

富壽	五福先	匪欲厚	能界全
高氏	起雲燕	凡六世	財雄邊
重利	始南遷	編衛氓	迹市鄆

居家里	無間言	我屋豐	利匪顯
益寡乏	贊子錢	長者稱	動河塹
供厥賦	日翩翩	曾不憚	生勉旃
業攸久	族嬋媯	服而食	耻華鮮
孝與義	為周旋	勤不匱	理固然
繼之者	當鑿焉	行山秀	淇水淵
高氏裔	與並傳		

新鄉縣尹劉君去思碣銘 并序

衛之屬邑曰新中鄉其地距太行東麓素土衍沃浸
以清泉之潤民俗敷阜自昔號河朔望縣惟其物廣
而訟囂路衝而務劇故治稱為難然渴餒而芳飲食
者民之心也得其人苟有以俯而安之將見民戴之

如父母仰之如神明惟恐來之暮而去之遽也維至元北六年南宮劉君理由江淮漕莫來主縣治君姿幹敏有機警相時處宜果於裁斷既視事思有以事集于上民便於下於是舉條章明約束均賦役却造請凡轡馭之急遽者馴而致之不務高遠率先以身為度縣當關陝驛程使駟轉致日相望於道吏民疲於供頓君量其輕重處之有方無名而求索者皆以理謝之則乘間侵牟之弊日就歛息廨舍一縣具瞻陋不克治事非所以整暇也計材庀工易故而新增葺者十餘楹復起蕭相祠俾吏曹不自鄙薄以信景慕邵公橋跨清水上歲久墊齧兢於履危乘隙大捷硤市芥官柳為梁公之舊締既高而固役不知勞而

民免病涉至治道塗取通快堙汙夷峻徒行輦致坦不少阻歲時邵農裹糧自隨周行田里未嘗追呼俾妨時作耕稼蚕績檢括課視切於己私復諭之以勤儉申之以孝悌使遷善而遠罪由是邑里感念昏於作勞生里且滋殖矣下迨鰥寡顛連亦行得所流逋聞之稍稍復業故賦稅輸納不及期而辦詞訟繁囂不俟約而簡君以令行民信教烏可後乃出已稍崇飭廟學如蓋瓦級墉之破壞者丹堊漶漫之不鮮者一完而與之復葺黼座陶祭器周繚密垣外障儀閉春秋釋菜禮容為增肅暇則禮師儒率僚吏暨邑之子弟聽其講說使知所務故三載間庭無留訟牢戶為屢空至隣有疑讞滯而未決者上官倚之丕蔽而

縣之治否為可知已君既更耆舊苗仲牛世麟慕賓
羅從玉郭昌祚席安等懷其夙愛有思罔置者來謁
文以垂示于後辭再四不克仍覽觀件狀而次第之
且寓夫余之所感焉嘗觀西漢循吏政顯風化子視
生民訓牖惠養如怨不及凜然有三代遺風惟其決
洽於民者深至故所居即化所去見思有起祠樹碑
以表夫永載遺賢之意非幸也宜也迨叔世司牧者
昧於治體苟簡貪墨習為當然其可聞者不過曉薄
書以為能飾矯偽以干譽其於民之休戚漠然如秦
人視越人之肥瘠甚者因之以急張臨之以形勢剝
民之肌以膏其身傾民之產以肥其室使民畏之甚
豺虎惡之劇寇讎告訐謗讟無所不至以理勢論之

亦宜也今劉君以勤強幹敏力矯時弊致績用章著
吏民稱道如是可謂能也已是宜銘銘曰

天下之事孰覈孰綜政發于上相臣是控事終于下
疇致厥用相湏成務匪令奚共雖百里間務實煩闕
有社有民有賦有貢兵之貧難民之疾痛期會簿書
風俗獄訟我剖我決我承我奉粵惟良能治之有統
千室鳴弦五袴流頌以致 朝堂令無太愆庶事日
康四方風動增秩賜金壘書褒諷繫爾責望得人為
重暨暨劉尹事功自恣挺身頽流卓尔為治不務高
遠不涉苛細相時致宜因利而利瘼自我蠲聲由實
致所以懷思去而罔替截鑿願留非愚敢覬胡若稱
述垂聲來世刻石縣門永照鄙衛

故太一二代度師先考韓君墓碣銘 并序

君諱矩字其其先為大梁望族曾祖璠五季時官司諫以銀青榮祿大夫致仕避地北渡遂占籍為衛人祖奕大觀末舉茂才數為縣有聲父渤金初登進士第有文采終獲嘉令君自少以疾不仕資慈祥家故饒財心樂施與凡親舊貧窶里喪有不克襄事者至傾刮橐篋以調其急或者來謝曰非初心也鄉黨以長者稱天眷間太一始祖真人以神道設教遠近嚮風受籙為門徒者歲無慮千數君舉族清修信禮為尤至香火之奉雖寒暑風雨不爽厥德已而君內子閻以嗣事為禱真人篆丹符令吞之且曰汝家積善久當產異人既誕師果有奇表真人目之口他日輔

興吾教者此兒也甫免抱即留養道宮三歲識字七歲善書既長儀觀秀偉慧悟絕人批答辭章捷若影響由清虛師主盟法席二十餘年輔興之言有充而至於極者今追定仙號曰太一二代嗣教重明真人由是而觀韓氏一門之積其來固遠以有是子而論之君之德槩可見矣雖年甫中壽師易韓為蕭至於克荷玄綱光隆教本在韓宗亦為不朽君既歿重明躬葬君於四門里祖塋之次母閻氏祔焉禮也六代度師全祐顧惟傳嗣之重猥及余末子何以圖報維是師真所從出者其潛德幽光表而銘之中心庶獲少安乃以刻文來請師於某祖妣妙清君列叔父行義不可辭遂其叔世次而系之以銘銘曰

作善降祥長惡得厲在理必然隨感而至赫赫韓宗
德顯河衛衍慶及君瀆而滄淪俟著而發乃生異人
異人伊何太一次祖提挈玄綱鵬騫鳳翥及本宗
光隆丘土松栢蕭園連崗接武神格仙遊有來容與
風駕雲軒同龕共馭純化追遠歸厚來昆沂流尋源
以表道根勒銘墓石永賁四門

太一三代度師先考王君墓表

君姓王氏諱守謙字受益博之堂邑人世以播種為
業致資產豐阜田以井而計者九乘以株而會者蓋
萬數焉遂為里中鉅家然闔門善良薄於世味奉道
之心亟若饑渴聞太一教以符籙濟度世厄所在奔
是惟恐其後君乃與其配李氏欽挹真風不遠千里

為門弟子量家歲費外悉以贏餘為本宮香火供
有子曰志冲即今太一三代度師也師生而岐嶷七
歲出就外傳應對進退皆中禮度及毀齒善記誦喜
讀老莊等書初君董田務於野牛憩蔭下寤寐間若
聞呵喝聲見數青衣人導一童子前來且曰天仙過
此可少避恍視之無有適師持壺漿來饁君異而不
出口自度是兒恐終非田舍中物也及長父兄與議
婚不許曰去家入道乃所願也遂禮二代師為黃冠
以經明行脩得度入道士列既嗣法席遭遇道陵特
賜號玄通大師君聞而喜曰天仙之異誠有驗矣且
曰平生奉道獲此寶報王氏為有後矣享年七十有
六考終牖下師以禮葬本縣王莊里祖塋之右母李

氏祔焉今度師勅定仙號曰體道虛寂真人其師真
之德靈應之蹟詳見墓碑茲不復云六代度師全祐
嗣教之七年自燕命提點張居祐等以禮幣來謁且
致其意曰道家者流雖崇尚玄默而太一教法專以
篤人倫翊世教為本至於聚廬託處似踈而親師弟
子之兩間傳度授受實有父子之義焉今三代師真
其在宗門表墓有碑嗣法有傳可謂光且顯矣然物
之在天壤間未有無本而出者今未有餘榮而本為
寂然豈厚人倫輔世教之理哉敢百拜以表辭為屬
幸憲使無拒予以師之言誠為知所本矣遂諾而作
之表

故真靖大師衛輝路道教提點張公墓碣

銘并序

道有綱紀需人而後弘如上承師真下綜法務以公
材吏用而開玄佐之功者其鍊師張公乎公諱善淵
字幾道趙郡平棘人生有異相比長言灑灑有序父
溥嘗任衛真縣酒坊使時太一四代祖中和真人提
點堯之太清宮溥素挹真風日侍師於几席間沾沾
然而喜曰吾兒知所於託遂參禮為門弟子中和人
品高邁道價重一世與游者公卿賢士夫一動靜語
默皆中倫慮公親灸既久日有所得與之俱化若時
雨然歲壬辰河南大兵公與中和隔離者久之既而
聞師北渡稅駕於趙廼奔奉焉師忻甚曰奔走䟽附
吾宗門有人矣即令知太清觀事丙午夏四月侍中

和赴

太后幄殿又見亦霑寵眷奏受真定路教門提點仍
賜白錦法服命代中和頒錦幡寶香於崧高太華二
以祈福祐時衛之祖觀兵燼後鞠為草棘中和昇
經理不三教年神庭燕處頓還舊觀壬子夏六月
從中和北觀嶺師加號真靖大師改提點衛輝路
道教事甲寅歲復奉 旨致禮嶽瀆癸丑冬詔天下
赴燕長春宮修羅天清醮公奏五代貞常真人
會其所以致顯宗教推轂嗣師高出眾表俾道流
公力居多己未春
上南巡臨幸壽宮時公以疾不克朝謁 上言念舊
近侍存問仍賜御藥葡萄酒服之病良已故中

統二年換受 宣詞有云操持堅正祭醮精嚴隨師
遠覲於闕庭奉命敬祠於嶽瀆已加玄號宜煥新章
之旨道論為榮焉公資清峭貞幹臨事敏而善斷馭
眾肅而有方雖一言話出人意表不肯碌碌混常流
中生平意讀書於老子最有得故行已接物多掇其
微妙至於禱禳醮祭內嚴外辦綽有餘裕兩從中和
北上沈幾先物往返萬里無不如志嘗奉 旨給諸
道度牒鶴馭所經例有贐公略無私焉其清介遠大
又如此壽七十委蛇於太一順事齋室賢至元乙亥
正月北五日也越三日陪葬祖塋之次後八年六代
祖純一真人念公有力宗門在玄士為傑出有不當
泯於後者乃予文以識墓窆因撫其行實而系之以

碑銘曰

真靖受業

始於中和

荆璞雖美

器成琢磨

東瀛北渡

載造玄科

用匪其人

道將名何

公綜玄務

辨於益多

龍庭再召

萬里周旋

竹宮咸秩

羽服雲闌

尊師顯教

我力孔宣

玄網張弛

曲而全

道價軒輕

濟之以權

塵而下

歎其才質

僊游有限

道館驚捐

斷石紀行

以大斯傳

雖高深方易位

尚知為玄門之玄

提點彰德路道教事寂然子霍君道行碣

銘并序

國朝甲辰乙巳間鹿庵先生教授共城不肖亦忝侍
几杖時有為全真學者重玄李練師自相下來買田
於卓泉立棲真別館既而重玄北歸委紀綱士霍君
明道為之營建不數年淑堂殿廊廡煥然一新際泉
兩溪盡植巨竹陰蔭數百畝中構筠溪亭招致吾徒
徜徉笑傲其上由是卓泉道院聞於遠邇遂名洞天
福地之末雖重玄創始之勤而霍君明道實有力焉
師諱志真號寂然子明道其字也系出安陽縣秋口
農里大家父諱澤嘗夢一麻衣道士云自天壇來求
託宿許為寤而誕師幼不好弄寡言笑既長性淡泊
不樂榮利弱冠辭親學道父憶夙徵即允其請迺詣

相之天慶宮禮重玄子為門人全真家禁睡眠謂之
消陰魔服勤苦而曰打麁勞以折其強梗驕吝之氣
師從事於此者閱三十寒暑略無憚色重玄驗其為
受道器命主治玄門事挺志誠確措畫井井有法及
卜築蘇門委之鋪敷教基和演宗緒俾特達而有所
樹立焉師披荆榛撥瓦礫攻苦食淡擴充師志復闢
農畝剗水磴廣資生理培植教本致遠邇尊禮樂者
日衆至於齋廬深靜井竈修潔遊人過客如歸而仰
給焉道俗推舉任輝之威儀師滌除玄覽痛自澄治
務正己以格物有辨訟者率用理遣不知官府為何
事羽流敬安一方凝重至二十載之久年踰耳順相
吏民宿仰道價請主天慶宮既至受提點彰德路

道教事凡十有三祀年尊德重不俟言論而衆自化
服以某年月日沐浴易衣冠無疾而逝壽八十有一
葬安陽縣王裕里重玄孤塚之側師丰度清逸若山
澤之曜外朴而內敏質直而尚義簡重自居處事得
時措之宜和同光塵接物無徇俗之弊其訓導徒輩
言約理到以身為律度可謂純乎其純玄之又玄者
也門人杜志用夙承提誨圖報無方琢石紀銘期傳
不朽乃介太一純一真人李公來屬筆予既重李請
又與師有夙宿之雅既叙其行已而系之以辭銘曰
道之大原玄文五千誕誇索隱匪其正傳質稟貞素
心地善淵惟畀也全內思靜專耕田鑿井順乎世緣
修己求志繕吾性天無欲觀妙是為道之自然尚無

往而不可孰問朝市之與林泉若人者雖乘化而委
蛻安知其精純之氣不乘冷風而仙耶門人攀慕白
雲翩躚勒銘松臺何千百年

凝寂大師衛輝路道教都提點張公墓碣

銘并序

師諱居祐字天錫世為汲郡人父道用居樂善東社
坊以茗飲為業師早失怙恃兄居仁訓育有方甫長
愿立如成人然向慕玄風亟若飢渴思得太宗師依
歸以果其腹歲壬辰天兵下河南時太一四代度師
自栢城北渡應大將撒吉思請主新衛昭順聖后祠
居仁舉家崇奉遂命師為門弟子居無幾何度師社
遷任趙之太清宮以師童侍有年謹敬不怠念焉遂

度為道士俄命掌觀之標料出納詳明儉而中禮曾
無撮龠之悞度師稱其能時衛之祖觀兵後燬廢掃
地度師遣提點張善淵詣衛興復且請師以佐葺理
允焉師為戮力從事小大之役率以身先之既而張
侍鶴馭北觀營建事師獨任之不十稔壇殿齊室下
暨庖湏庫廡井井一新己酉春中和真人還衛顧視
喜其得人已酉冬中和昇寂師辦易葬事焦勞為多
丁巳冬以事召赴行殿勞歸霑衣帶有加還貞常真
人以師貞幹有節命知宮事繼陞充提舉中統三年
上遣使植碑壽宮師復趣辦不踰其素於國光有華
至元十九年六代純一真人嗣主法席以師道行純
粹勤恪有功言於朝宣授凝寂大師衛輝路道教都

提點七年間道流推服教門增重焉廿六年二月五日得寒疾再宿談笑而逝及歛予臨視面如生吁亦異哉享年七十有二越七日提點范全定等葬師於四門里祖塋之側禮也師為人樂易無 碱苟有過須問之人而無憚於改不然咽若有物所梗其歷事三師前後五十餘載護道服勤始卒德不爽純一真人以予鄉曲故持狀來謁銘因憶十九年冬予寓大都道宮適師與會宵永無寐龕燈爐火尊俎談舊嘗及萬靈坑事悲世故之無常悼逝者之如是凄然動華表歸語之感故師每歲例清明后一日丐歛酒者楮幣等物斗量車載展祭塚次以慰鄉梓冥漠之魂恐其心之不盡也其於存歿兩間亦迢遠歸厚之

意也歟是可銘銘曰

太一設教	幽顯兩通	九曰云為
須人乃崇	猗歟張公	德度冲融
致身福地	逢教之隆	敦芳若朴
發之天秉	寂不俗絕	勞而有功
師事三葉	罔異初終	一朝委蛻
為報何豐	祖塋之東	萬栢葱籠
陪葬其側	若堂有封	饒銘表石
永示無窮		

故卓行劉先生墓表

先生諱德淵字道濟襄國中丘人性癖直有操守好學能自刻厲及游潯南王先生門思索辨惑等說自

是饜飫史學為專門之業古心古兒非禮義不妄言
動一介不取於人朋友死雖千里遠徒步必至親前
賢竒蹟偉行擊節嘆賞而不能自己至椎耕牛以饗
竇王殺乘馬而祭昭烈其或憫時之艱急人之難切
於己私而不置也始則人大以為異既而疑焉終迺
嘆服曰先生篤行直躬守死善道者也北渡後赴戎
戎試魁河北西路建中統建元三府辟其行能授翰
林待制晚節知圓鑿方枘不能與時匝匝乃以所得
成就學者立言傳後著三為書數萬言其說為天地
立極為生民立本為聖賢立法數析溫公通鑑數百
條技翊章武侯承正統及見考亭綱目書多所昭合
沾沾而喜曰吾天地間可謂不孤矣又通古文竒字

士多傳習之凡經指授者雖節目礫河表表有所立
或惜其獨善不顯諸用然振衰善俗激厲後人多矣
太保劉公左轄張公以鄉曲義來周郵皆却之曰吾
非踽踽涼涼闊然媚於世者也至有以禮願交而弗
之允者許魯齋每道刑必式閣致恭而去壬子秋不
肖始覲先生於昨對榻學館夜參半歛起撼予曰吾
於漢丞相亮論議際有所得惜不並時當有說云云
至元壬午予按部夷儀謁先生於天貺齋棲遲蓬葦
心融一天自樂其樂英發之氣至老不衰先生近何
日適作四亮辨天府七星挽章予以張皇幽眇振濯
漢靈一何壯也臨訣握予手曰吾耄矣斯文未喪子
其自將行有以畀之既而聞臥疾慮之調養詢諸友

生始知先生有子樸早世女孫一適康氏子新婦女
孫皆不聰侍疾卒年七秩有八時至元丙戌九月北
二日也葬蓬山之西丘後十五年晚進王寧合鄉國
議來請曰先生學貫三才養素立園行媿於古人望
高乎一世沒當易名用垂光範予謂寧曰士風之不
振也久矣道義之斷喪也微矣安得高風苦節如先
生者哉昔孟東野以詩鳴唐張藉私謚曰貞曜程伯
淳以道自任潞公揭之曰明道今板二例如以卓行
加之則名與行為顯允矣門生民部尚書戎益將礪
石表墓以圖不朽大德三年龍集己亥仲冬吉日翰
林學士中奉大夫知制誥同修國史秋澗王輝為之
表

秋澗先生大全文集卷第六十一



秋澗先生大全文集卷第六十二


文

詛蠹魚文

并序

王子曝書于庭風動帙開有蠹十數輩倘佯其間乳
書脉之甚有嚙壞者遂為文以詛之亦且攄予懷之
梗槩云其辭曰

嗟上蒼之生物兮曾巨細之不遺隨一物而一名兮
乃各有其所施竜驤首而霧集兮鷲搏擊而翰飛螭
緣隙而射蝎兮蚓含淒而應時蟻結陣而雨妥兮蛛
縈絲而喜隨至於蛇虺毒而虎豹猛兮網繩獨刃人
得驅而遠之彼蠹魚之何為兮當去之而不疑我固
拙而未貧兮尚其書之滿家規姚姒而法周孔兮浩



波瀾之無涯念披讀而有次方譬草木之品差歲翻
閱而莫周方囊乘隙而遺孽芽感餘浥而化育方何
族類之紛挐正如深山大澤人迹所不至方足翹魍
而生龍蛇爾名為魚厥方曰囊無麟鬻以自衛不潛
淵而躍渚披景慕之虛名蘊蠶食之邪慮天壤之間
充汝腹者多矣尋茫茫之墜緒幸不為人之害方唯
簡編之見惡信黃卷之有味汝得幽潛而麇飲豔輕
碧之微軀方曳白鬚而容與曾賢愚之無間方輒遇
之而必妬誰謂汝無牙方何以穿予之竹素紛篆籀
之紆屈方致篇章之脫誤欲散帙而撲滅方念忌器
之善喻筆春薺之纖葉方雜芸芳而細注恐物感之
有驗方庶唯類之一去曾少力之不獲方愈滋蕃而

無數汝豈學道之人方咀糟粕而未悟將生死於文
字之間方凝精思於朝暮不然秦李斯之徒方師六
經而依據一旦燔之而叛道方俾黔首而聾聵流餘
孽而見化方終宇宙而惡著聖防護其萌芽方墜冰
凝於霜屨苟不處而不區方恐齧缺而無餘也布我
床榻汎我庭宇乱牙籤於風中趁秋陽之烈馭既不
能全湯鼠之磔裂方以矢暉而為治具藉流爍之熾
燧方書難為之一抒燔醜類而莫逃方迺糜啜於諸
部失餘浥之所在方歛炎光於書戶齊潔竹書之簡
森列周宣之鼓固我高鑄若有神護喜卷舒而無恙
殆遺亡而見補既收書而入室遂慨然而懷古彼微
蠹之蠹書尚為害而斯巨吁姦邪之在朝妬忠直於

時主其擯斥危亡之禍將何如哉嗚呼噫嘻我得之矣噫噫管蔡為周公之蠹方幾謗成於王所眈眈子西為宣父之蠹方化不霑於荆楚滅會媒孽為子輿之蠹方道不行於東魯上官媚嫉為屈平之蠹方賦懷沙於汨浦匹夫絳灌為賈生之蠹方老長沙之一傳孫弘變詐為仲舒之蠹方策不施於漢武恭顯讒慝為蕭傳之蠹方致災運之中阻封論小人為鄭公之蠹方太宗幾以刑而為務虛杞莒邪為真卿之蠹方卒糜軀於賊席逢吉陰險為裴度之蠹方描緋衣之訛語蠹方去之而不可疑方尚拔山之固方况任遇寵信返為忠直之輔方奮筆成文吾為此而懼方

祭諸葛丞相乞靈文

維大元至元八年歲次辛未九月壬戌朔某日承事
郎前監察御史衛人王某敢昭告于

漢大丞相忠武侯諸葛公之靈嗚呼事有曠百世而相感者以道義故也維公挺天人之資奮雲雷而起黜功利之邪說明剛健之正體攘伏群陰嗣興漢紀而立偏安幽燭厥理茲少康克復之本心何戰國縱橫之可擬由是而觀公之志何意於鼎足而昧也至於開誠心布公道從權制示儀軌牧民訓兵賞善黜戾以君臣大義而言乃忠武開濟之餘事也宜魏人畏之而席如走狐狸而号魍魎偃回旆之威靈嘆竒材於壁壘故三代而下巍然王者之佐惟公一人而已繫一介之庸庸何清光之敢企然揚洪蜀郡之功

曹楊顯莫府之屬吏難一言而表擢感忠規而隕涕
又如李平塵立以過見廢俾之怨艾固匪遐棄又夫
蜀婦既鑿痛吾已矣恨終左袵發憤而斃是天見公
不屑與新之教采葑采菲之意無以下體而為累也
若憚也質朽才疎有志未遂年迫知命動昧操履踰
跚仕途幾年于此八月行臺僅免官謗三年御史莫
吐其氣今則俟大治之甄陶聽鼠肝而盡臂虽耿耿
以自信復何為而何逝恐生無益於人死固聞於世
也用是中夜慨歎不遑寤寐乞靈祠下陳辭而跪我
公在天日星昭緝容光必照奚間彼此思蛻濯其塵
穢扣囊底之餘智覬增益其不能為砥訂其頑鄙付
清明於眇躬極臣子之所上有來歟脩神所惠祉庶
免夫年與時馳意從歲易悲歎窮虛遂成枯萋區區
之懷竟無及於追悔也尚享

為虎害移澤州山靈文

大元國至元十二年九月日承直郎平陽路總管府
判官王憚近被藩府檄伐石東鄙有以虎害言者謹
移文以告澤為州當太行心腹間傍虽長林巨壑獸
蹄所交窟宅所在然鳥獸陰類神寔主司陰禦默捍
限隔常處制其暴厲使無犯越以為人害此神之職
守吏之責也今不逞之獸悍然不安其所安食其所
不當食怖農耕梗行路啖民畜膏肥厥身以孳乳其
遺類乱區制之常經忽太府之命吏是將與吏民雜
處此土方今聖賢在上世道清夷政令簡肅年穀登

盜賊弭守吏者承流宣化牧養斯民為任坐視若此
安能俛首降心偷安朝夕容化物橫重念民之於國
俗犧牲粢盛供天地百神之祀出兵賦芻餉佐軍旅
征代之用重繫若此幽明兩間敢不敬忌以顧郵邦
本且民又未嘗輒犯於彼胡彼為而然哉若曰妖孽之
來蓋有由然祇吏之不德政有不善自有任其責者
奈何禍延平民使居者行者惴惴焉懷旦夕不安之
恐一至於此哉即欲窮幽致討勒絕而後已建禽獮
草薶等耳然神不於其告輒從事於彼是守吏不有
其神此文告所以先也維神聰明正直念守吏克虔
之告思職分當然之理赫靈威迅符牒搜索克渠甃
諸原野餘則鞭笞驅逐逐放林壑限以常處求絕斯

害使一方安靖遂田里有生之樂虽神之職也寔神
惠也惟明靈其圖之

瘞畜犬文 有

犬之於人有功矣晝則守禦夜則警盜其健則能搏
物猛則能取威窮則不遺其主靈則不失其家茲犬
德之大率也子有畜犬曰蒼頭髯狔被體耽耽然有
獅猛之姿誠禦寇之上品也其為德則不貪饕不敏
穢不虐吠不狂遊寢有常處履擇其地投之物非啖
之不敢嚙叱之退非招之不敢前至於親屬賓客一
及於門者聆其聲亦能識其人指揮馴狎咸會人意
可謂有人性而無狸德矣嗚呼物之生稗而壯壯而
老老而病病而死順常理也主人何憾焉且計其婦

于我以至於死蓋十有一年于茲其服勤守禦功亦多矣主人惻然而興命童子具畚鍤以寢簣枕用玄石瘞於古堞之下亦弊蓋不弃毋使首陷之義也記曰捕田鼠者祀之矧犬有功於人也昭昭矣故係之銘 其辭曰

嗟嗟奇捫穢芻之種曰守曰禦或靜或動靡失其常風鳴意聳臥護我家取威于衆相非狸德爾馴且勇唯有稱德与良馬共生也服勤死當礼送槨蓋之義敢不是奉

論平陽路官吏文為判官初任時作時九年五月也

契勘國家張官置吏本以為民且縣而州州而府吏

而官長官而上下分殊大亦戾異以承宣而言寔為一體至若親臨民事周知下情如賦稅課程婚姻良賤債負田宅刑名等事推明根源分別曲直兩盡物情一歸于正為莫若州縣耳故諺有之既為民父母當作子孫看此言虽微可以喻大恐不當憚其煩勞一委於吏致開塞倖門情生詐起附會科條高下其手富強恃勢者理本曲而返神貧弱冤抑者情久鬱而困訴事体既乖勢成稽滯及愬者有辭莫可推延仍作疑似上之于州州司設有窺避事情捨難趨易艱於勞心者止憑縣解略不詳審輒上於府者有之焉而有謂者一委胥吏聽其飾說亂行剖決者有之謂如按驗未完辭情稍脩或明具条章不行定擬冒亂

上陳倖其万一者有之又念徇情同列者視違錯而
不言既滿代望者以患失而為慮至於辭不清明而曰
民器於訟身不力行而曰事擁于下以取以分何不
思之深也總府固當持大綱畧苛細不宜求痕洗垢
以察為明然念軍國之利害刑罰之枉濫脫或差悞
而總府亦不敢弛大綱究其所以自有任其責者矣
至若總司行有不逮虧一道之紀綱亦何以逃朝廷
共理之責乎又念即官上應列宿苟非其人百里受
害靜言思之可不畏欬稔聞公等類皆明直恪勤官
政小則寄百里之命大則近連率之職天官天祿寔
荷恩榮獨有履正奉公竭盡心力以功名圖報上可
以答國家委寄之恩下可以塞為民父母之望噫社

稷人民莫非王事視如私家無不修理推廣此意天
何俟告辭之丁寧公移之督責也自今以往計能強
其所當行勉其所未盡以一體為心共理為務遠懲
積習作新斯民使一道元元霑被王澤而遂有生之
樂寔公等之力總府敢叨其功乎所以集眾思廣忠
益者惟期王事有成則總府亦庶乎其寡過矣

敷諭百姓文

汝等性秉五常智周品物聞善必遷知過速改此
固有之理恒久保身之道也方今明教化勸農桑彰
善瘴惡為務庶爾有眾比屋安然遂有生之樂此明
天子之意也平陽陶唐故都詩書遺俗世不乏德比
者自遠思之化陵夷衰晉之風尚氣亢強頗乖正理

致使訟課蕙繁動經歲月較其所爭至甚微眇親舊
變為仇讎畝畝棄而荒穢事端既起歲計一空亟當
戒者秉氣窒塞不度輕重果於自殘禍延後人嗚呼
一念輕生乃至於此非愚而何況朝廷委付守臣之
責非特有司常常而已正以承流宣化美厚風俗安
靖一方為重兄兄弟弟夫夫婦婦恩義至篤也不可
因細故而致爭比鄰共里連鄉並黨緩急相恤也不
可以小忿而與謗蓋好鬪者喪身之原健訟者破家
之本與言及此我心悲傷汝也何心忍於為此常念
禮讓者安順和睦之方孝悌者福澤富厚之一日本自新
終身樂地能爾何止公庭致束扶之清田里獲共安
之樂將見祖先神靈安於上子孫德澤流於下比屋

雍熙求為善俗豈不快哉豈不樂哉據教諭社長耆
舊人等請以此意敦諭中外使咸知勸戒毋重其改
作也其有不待教率自來孝悌勤儉力田而省事循
理而畏法者申明上司別加顯異若亮頑如前恬不
知省上違提府之訓辭下悖父兄之忠告是亂常敗
俗之人國有常刑悔將何及至於有司非橫以侵牟
豪強兼并而為事科差不均力役偏重繼而不問以
致失宜使汝下情鬱抑控告無所是摠司撫字無方
得罪於汝將何以息閭里愁嘆之聲送朝廷共理之
責乎汝等其詳思毋忽

勸農文

切惟民生之本在農農之本在田衣之本在蚕蚕之